

Participativno mapiranje socio-ekonomskih razvojnih potreba lokalnih zajednica i analiza njihove usklađenosti sa lokalnim razvojnim strategijama i planovima u BiH

Svrha i ciljevi

Glavni cilj: Uključivanje civilnog društva i poslovnog sektora u procese socio-ekonomskog lokalnog razvoja u odabраних 20 gradova i opština/općina kroz i) participatorno istraživanje, ii) pripremu prijedloga javnih lokalnih politika zasnovanih na empirijskim podacima i potrebama zajednica, i iii) kreiranje međusektorskih, regionalnih i međuetničkih oblika komunikacije i razmjene znanja u BiH.

- Cilj 1: Mapiranje socio-ekonomskih razvojnih potreba lokalnih zajednica u BiH kroz participativne metode odnosno uključivanje civilnog društva i poslovnog sektora
- Cilj 2: Mapiranje izvornih (grassroot) građanskih inicijativa u BiH u cilju identifikacije ključnih potreba i prioriteta lokalnih zajednica
- Cilj 3: Procjena usklađenosti socio-ekonomskih razvojnih potreba zajednica sa lokalnim razvojnim strategijama i akcionim planovima u BiH
- Cilj 4: Razviti online platformu za javnu, široku i međusektorsku razmjenu prikupljenih podataka, materijala i analitičkih rezultata
- Cilj 5: Razviti metodološki okvir za participativno mapiranje socio-ekonomskih razvojnih potreba u lokalnim zajednicama u BiH koji će se koristiti za godišnje planiranje aktivnosti Mreže, te kako bi se definirali prioriteta za Plan održivosti Mreže za izgradnju mira i aktivnosti u periodu decembar 2021 – decembar 2025, te posebice aktivnosti projekta Snaga lokalnog
- Cilj 6: Povećati javnu vidljivost razvojnih planova za lokalne zajednice i kreirati demokratski pritisak za njihovu implementaciju
- Cilj 7: Povećati uticaj i ulogu civilnog društva i poslovnog sektora na kreiranje i implementaciju lokalnih razvojnih politika
- Cilj 8: Podstaći umrežavanje svih aktera lokalnog razvoja na nivou zajednica ali i na regionalnim nivoima u cilju razmjene znanja i izgradnje kapaciteta

Koncepti i pristup

Lokalni ekonomski razvoj (LER) je proces putem kojeg javni i poslovni sektori zajedno sa civilnim društvom zajednički rade na stvaranju boljih uslova za ekonomski rast i kreiranje novih radnih mjesta. Njegova svrha je izgradnja ekonomskih kapaciteta lokalnih zajednica radi poboljšanja njihove ekonomske budućnosti i kvaliteta života za sve.

Pored ekonomskog aspekta, važni elementi u našem pristupu su socijalni (uključujući i rodni) kao i okolišni aspekti koji će se analizirati kao ključni dijelovi održivog razvoja. U tu svrhu ovo istraživanje analizira lokalni ekonomski razvoj kroz prizmu UN-ovih Ciljeva održivog razvoja (Sustainable Development Goals - SDGs). Ipak ovo istraživanje ne nastoji prikupiti samo kvantitativne indikatore za SDGs, nego kvalitativno analizirati potrebe poslovnog i civilnog sektora uzimajući SDGs kao polaznu osnovu za njihovu identifikaciju.

UN Ciljevi održivog razvoja (Sustainable Development Goals - SDGs):



Analiza prikupljenih podataka će se vršiti kroz miješanu metodu (the mixed method), kvalitativnu i kvantitativnu koristeći Nvivo software kao i online platforme za anketiranje. Analitički pristup će se voditi saznanjima iz razvojne ekonomije (developmental economics), okolišne ekonomije, feminističke ekonomije (posebice the care economy), kao i globalizacijskih studija i studija nauke, tehnologije i društva (STS), posebice inovacija.

Metode i indikatori

1. Desk istraživanje i prikupljanje lokalnih razvojnih strategija i akcionih planova
2. Nacionalna anketa s 1054 učesnika iz 16 gradova/opština koje su bile predmet istraživanja
3. 16 fokus grupa u 16 gradova i opština/općina sa građanima, predstavnicima civilnog sektora i poduzetništva, kao i javnih institucija
4. 160 intervjuja (10 u svakom gradu/opštini/općini) sa predstavnicima poslovnog i javnog sektora, kao i stručnjacima

Tabela 1: Pregled istraživačkih pitanja za analize

UN ciljevi održivog razvoja (SDG)	Istraživačka pitanja za analizu lokalnih ekonomskih razvojnih planova	Istraživačka pitanja za analizu socio-ekonomskih razvojnih potreba lokalnih zajednica
Svijet bez siromaštva	Da li lokalni ekonomski razvojni plan (LED) adresira postojeće oblike siromaštva?	Koje su skupine društva u vašoj zajednici najviše pogođene siromaštvom?
	Da li su navedeni podaci o siromaštvu u zajednici? Da li je provedeno empirijsko mapiranje siromaštva u zajednici?	Koje posebne potrebe ove skupine imaju u odnosu na druge stanovnike?
	Da li su razvijeni posebne politike i projekti za smanjenje siromaštva za marginalizirane grupe društva?	Koje su društvene prepreke (kako specifične, tako i strukturalne) za iskorjenjivanje siromaštva u vašoj zajednici?
	Da li su razvijene posebne politike i projekti za smanjenje siromaštva za marginalizirane grupe društva?	Kako siromaštvo kratkoročno i dugoročno utiče na lokalnu zajednicu? Koje su posljedice?

	Da li LEF predviđa aktivno uključivanje poslovnog i civilnog sektora u provođenje ovih politika i projekata? Na koji način?	Koji su akteri najviše aktivni u iskorjenjivanju siromaštva u vašoj zajednici?
	Da li LED reflektira informacije i potrebe i sve prikupljene podatke kroz procese mapiranja lokalnih potreba?	
Svijet bez gladi	Da li LED adresira ovo pitanje u okviru problematike siromaštva?	Da li u vašoj zajednici ima gladnih ljudi? Kojim društvenim skupinama pripadaju?
	Da li zajednica ima lokalnu javnu kuhinju? Ako da, koliko korisnika?	Da li postoji javna kuhinja u vašoj zajednici? Da li je potrebna?
Zdravlje i blagostanje	Da li LED adresira zdravstvene potrebe stanovništva i na koji način?	Iz vaše lične perspektive, kao i porodične i ljudi s kojima ste u komunikaciji, kakve zdravstvene potrebe imate?
	Koju ulogu lokalna uprava ima u oblasti zdravstvene zaštite?	Da li je pristup zdravstvenim uslugama lak i pristupačan u vašoj zajednici? Ako nije, koje su glavne prepreke?
Kvalitetno obrazovanje	Da li LED adresira obrazovne potrebe stanovništva i na koji način?	U pogledu obrazovanja, koje potrebe postoje u vašoj lokalnoj zajednici iz vaše perspektive?
	Koju ulogu lokalna uprava ima u oblasti obrazovanja?	Koje vještine i znanja biste vi voljeli da steknete? Koje vještine i znanja nedostaju u vašoj zajednici?
	Da li LED predviđa izgradnju kapaciteta u određenim oblastima? Kojim? Ko će implementirati edukacije? Koje obrazovne institucije su uključene, kao i centri za edukaciju odraslih?	Da li je pristup obrazovnim programima lak i pristupačan u vašoj zajednici? Ako nije, koje su glavne prepreke?
Rodna ravnopravnost	Koji mjere u pogledu rodne ravnopravnosti LED uključuje?	Kako se lokalni razvoj ili nedostatak istog odražava na žene, a kako na muškarce?

	Da li LED uključuje gender mainstreaming elemente?	Kad je u pitanju ekonomija brige i neformalna ekonomija, kao i nezaposlenost, da li ona pogađa više žene ili muškarce? U kojem pogledu?
	Da li LED adresira potrebe koje su identificirane tokom FG i intervjuja?	Koje su razvojne potrebe žena a koje muškaraca?
		Koji neplaćeni rad u vašim zajednicama ste primijetili?
Čista voda i sanitarni uslovi	Koje mjere LED predviđa u ovoj oblasti?	Da li svi dijelovi grada/opštine/općine odnosno svi stanovnici imaju jednak pristup vodi i kanalizaciji? (Infrastruktura i troškovi)
Pristupačna energija iz čistih izvora	Koje mjere LED predviđa u ovoj oblasti?	Da li svi dijelovi grada/opštine/općine odnosno svi stanovnici imaju jednak pristup energetske izvora? Obnovljivim izvorima energije?
	Koji su izvori energije u zajednici? Da li postoje obnovljivi izvori energije?	Koje su potrebe za energijom i kako se stanovništvo snadbijeva istom?
Dostojanstven rad i ekonomski rast	Nivo zaposlenosti u zajednici i nivo ekonomskog rasta?	Koji je nivo zaposlenosti u vašoj zajednici?
	Koje mjere LED predviđa u ovoj oblasti?	Kako biste opisali kvalitetnu poslova u vašoj zajednici?
	Koji pristup ekonomskom rastu LED uključuje? Da li je inkluzivan i održiv?	Kako bi se nova i kvalitetna radna mjesta mogla kreirati?
	Ko su nosioci ekonomskog razvoja u LED?	Kako bi se trebala podstaći lokalna ekonomija? Kakve podsticaji bi se trebali dati i kome?
	Koje mjere su predviđene za društvene procese koji negativno utiču na razvoj	Ko su nosioci ekonomskog razvoja u vašoj zajednici?

	(odlazak mladih, nedostatak kvalificirane radne snage, ili sl)	
	Na koji način LED predviđa razvoj konkurentnosti zajednice?	Kako se zaposlenost ili nezaposlenost odražavaju na društvene odnose i neke procese? (Migracije, emigracije, itd.)?
Industrija, inovacije, infrastrukture	Kakvo je mjesto ima industrija u lokalnom ekonomskom razvoju, posebno u pogledu investiranja, zapošljavanja i izvoza? Koliko je od tih planova ostvareno, kakav je utjecaj imala kriza COVID-19? Koji su ključni projekti u toj oblasti bili zacrtani i kakvo je njihovom ostvarenje?	Kakvo značenje ima reindustrijalizacija u vašem gradu? Da li u njoj vidite mogućnost ubrzanja ekonomskog rasta i zapošljavanja ili se ta uloga namjenjuje drugim privrednim djelatnostima? Kojim?
	Kako se ostvaruju planovi povećanja zaposlenosti u industriji, koja su ograničenja i kako ih otklanjati – kakvi su utjecaji krize COVID-19?	Kakvo mjesto vidite za industriju u generiranju ekonomskog rasta i zaposlenosti u narednom periodu, je li to rast zasnovan na produktivnosti i izvozu? Kakvo mjesto industrija može imati u tom konceptu? Koje konkurentske prednosti vidite za vašu industriju u odnosu na druge djelatnosti?
	Koliko je otvoreno novih industrijskih poduzeća, a koliko ih je ugašeno i koji su razlozi takvih kretanja – koliki su utjecaji krize COVID-19?	Kakve mogućnosti vidite za rast industrije u narednom periodu? Je li to rast postojećih firmi sa novim potencijalima zapošljavanja, ili je li to formiranje novih firmi koje će donositi novu tehnologiju i nove mogućnosti zapošljavanja? Koji faktori utječu na te alternative?
	Koliko se ostvaruju planovi privlačenja stranih investitora u industriji? Koliko firmi u stranom vlasništvu djeluje na području LZ? Koliko ih je	Kako vidite prilike za privlačenje stranih investitora u industriju na području vaše LZ? Da li je realno da možete pružiti privlačne uvjete investitorima koji

	<p>novih osnovanih? Kako posluju firme u vlasništvu stranih investitora? Da li su potencijalni strani investitori bili nezadovoljni uvjetima investiranja i da li su zbog toga napuštali investicijske ideje? Kakav je utjecaj krize COVID-19? Da li se uočava povećani interes europskih firmi da sele svoju proizvodnju iz Kine i drugih prekomorskih zemalja na područje europske periferije, odnosno Zapadnog Balkana, pa i u BiH?</p>	<p>su zbog loših iskustava iz krize COVID-19? Koji su faktori za privlačenje takvih investitora koje vi možete ponuditi?</p>
	<p>Koliko su investicije u industriju prisutne u ukupnim investicijama na LZ? Da li se potrebe investitora iz industrije zanemaruju u odnosu na investitore u drugim djelatnostima? Koliki su utjecaji krize COVID-19? Koji su kritični faktori za investiranje u industriju, da li su ograničenje lokacije za industrijske objekte, radna snaga, infrastruktura, administrativne formalnosti ili nešto drugo?</p>	<p>Da li je u vašim planovima prisutna orijentacija na rast investicija u industriju? Kako procjenjujete mogućnost osiguranja kritičnih faktora investiranja – lokacije za industrijske kapacitete, radnu snagu, potrebnu infrastrukturu, napajanje električnom energijom, pro biznis lokalna administracija ili nešto drugo?</p>
	<p>Da li se poboljšava struktura industrijske proizvodnje sa stanovišta tehnološkog nivoa? Koliko je promijenjen udio zaposlenosti u industrijama srednje i visoke tehnologije na vašoj LZ? Kakvi su utjecaji krize COVID-19 na ovaj aspekt industrije?</p>	<p>Da bi industrija pružala veće prilike za zapošljavanje i veće plaće potrebno je da podiže inovativni i tehnološki nivo. Da li vaša LZ može osigurati radnu snagu za takve planove industrijskih kompanija i uvjete života za visokostručne kadrove za takvu proizvodnju? Kojim mjerama vi mislite podržati planove</p>

		tehnološkog napretka industrijskih kompanija na vašoj LZ?
	Kako se ostvaruju planovi povećanja izvoza industrije sa područja vaše LZ? Koji su faktori koji potiču rast izvoza, odnosno ograničavaju njegov rast – kakav je utjecaj krize COVID-19?	Rast industrije najvećim dijelom mora temeljiti na izvozu. Da li smatrate da vaša LZ može izvoznicima pružiti sve potrebne uvjete i u čemu vidite svoje konkurentske prednosti u odnosu na druge investicijske destinacije i lokacije?
	Koliko su faktori raspoloživosti radne snage za potrebe industrije na vašoj LZ utjecali u pozitivnom ili negativnom smislu na ostvarenje planova industrije i kako emigracije utječu na raspoloživost radne snage?	Da li će emigracije i neadekvatan sustav obrazovanja onemogućiti razvoj industrije na vašoj LZ? Koje mjere mislite poduzeti da se osigura raspoloživost potrebnog kadra za razvoj industrije na vašoj LZ?
	Da li je bilo interesa dijaspore za investiranje na području vaše LZ i koje su specifičnosti investicijskih interesa dijaspore u industriji (koji projekti, da li predstavljaju transfer znanja iz zemlje emigracije, da li su uključeni u lance vrijednosti firmi iz zemalja emigracije)?	Kako vidite mjesto dijaspore u narednom planu u pogledu mogućnosti investiranja u industriju na vašoj LZ? Imate li kontakte sa svojom dijasporom, imate li kontakte i razumijete li potrebe potencijalnih investitora iz dijaspore? Kao surađujete u projektu DIJASPORAINVEST i da li on nudi neke mogućnosti da investicijske prilike prevedete u realne investicijske projekte?
	Kakvo su mjesto u vašem tekućem razvojnom planu imale inovacijske aktivnosti? Da li su se izdvajali neki projekti? U kojoj mjeri su inovacijske aktivnosti i projekti ostvareni?	Kakvo mjesto će inovacije imati u narednom razvojnom planu na vašoj LZ? Vjerujete li u mogućnosti da svojim angažmanom LZ može unaprijediti područje inovacija u motiviranju mladih ljudi da inovacijama započnu poduzetničke poduhvate i da se unaprijedi rad

		javne uprave u korist građana, biznisa turista i dijaspore?
Da li su za inovacijske aktivnosti i projekte izdvajana neka sredstva na nivou vaše LZ i u kom iznosu? Da li je bila i kakva podrška za mlade inovatore i start ups za mlade poduzetnike i kakav je odziv na tu podršku bio?		Vjerujete li da bi povećanim izdvajanjima za inovatorstvo mladih i za poticanje start ups bio povećan stupanja sklonosti mladih ka poduzetničkim poduhvatima i njihovom uspješnom transformiranju u stabilna privredna društva, šta vidite kao ključne preduvjete za takvu orijentaciju na vašoj LZ?
Da li se uočava trend rasta i kakvo je stanje razvijenosti djelatnosti informatičko-komunikacijskih tehnologija na području vaše LZ (broj firmi, obrta i freelancers, broj zaposlenih), koji su faktori koji su poticali, odnosno ograničavali razvoj ICT?		U čemu vidite prilike i ograničenja za brži razvoj ICT biznisa na području vaše LZ i koje mjere su prioritetne da se taj proces učini uspješnijim?
Da li se izdavaju neki tipovi firmi prema svom doprinosu inovacijama, kao naprimjer, firme u stranom vlasništvu, start ups, brzorastuće firme i druge?		Da li vidite mogućnosti da se prema određenim tipovima firmi iniciraju programi poticaja inovacija u suradnji sa višim nivoima vlasti i međunarodnim razvojnim agencijama koji bi ciljali na start ups, brzo rastuće i firme sa potencijalima rasta?
U kojim oblastima je javna uprava vaše LZ bilježila inovacije u oblasti razumjevanja potreba građana, biznisa, turista i dijaspore, odnosno u oblasti zadovoljavanja potreba navedenih ciljnih grupa. Da li je u tom smislu ostvarivana suradnja za međunarodnim i		Smatrate li izvodljivim da se razviju javne politike inovacija u radu javne uprave LZ kojima bi se unaprijedila digitalizacija javne uprave, digitalizacija javnih usluga i informacija za građane, biznis, turiste i dijasporu i niz drugih djelatnosti iz domena javne uprave u kulturološkom, sporskom, zabavnom, rekreativnom i drugim područjima?

	domaćim razvojnim i konsulting agencijama i organizacijama i na kojim projektima?	
	Kakvo je mjesto u postojećim razvojnim planovima imala infrastruktura na području vaše LZ, da li su ostvareni nužni uvjeti da centar vaše LZ bude povezan sa mrežom magistralnih/regionalnih cesta, odnosno da svaka mjesna zajednica na vašoj općini/gradu bude povezana sa općinskim centrom asfaltnim putem?	Kakvi su planovi i koji će biti ključni faktori unapređenja transportne infrastrukture na vašoj LZ, posebno imajući u vidu efikasnost i sigurnost robnog i putničkog prijevoza, koji su projekti prioritetni i kako će se odvijati suradnja sa javnim poduzećima za puteve na kantonalnom i entitetskim nivoima?
	U kojoj je mjeri u tekućem planu poboljšana putna infrastruktura u MZ, vodovodno-kanalizacijska infrastruktura, komunalna infrastruktura (grijanje, zbrinjavanje otpada, saobraćaj u mirovanju, upravljanje stanovima, stanogradnja, sistemi sigurnosti – protupožarne, fizičke, kolektivne, osiguranje od klizišta, poplava i drugo) i kako se ocjenjuje stanje u toj oblasti kao bitan preduvjet lokalnog ekonomskog razvoja i podizanja kvaliteta života građana	U kojoj mjeri su u narednom razvojnom planu na vašoj LZ prioritetni programi unapređenja putne, komunalne i druge infrastrukture i koji će se izvori sredstava za njeno financiranje kreirati, koje mjere i koje institucije će biti odgovorne za realizaciju tih programa i kako će se odvijati suradnja sa višim nivoima vlasti u ostvarenju zacrtanih mjera i aktivnosti na tom području?
	Kakvo je stanje digitalne infrastrukture (dostupnost Interneta u svim dijelovima općine, brzina Interneta), stanje sportske i rekreativne infrastrukture (dvorane malih sportova, fiskulturne dvorane uz škole, otvoreni natkriveni bazeni, otvoreni tereni za	Kako ocjenjujete potrebu sistematskog upravljanja razvojem napredne infrastrukture kojom se osigurava stvaranje ljudskog i socijalnog kapitala u LZ, a koja je u velikoj mjeri u nadležnosti drugih nivoa vlasti dok se posljedice propusta odražavaju na kvalitet života građana LZ. Kako ćete se zalagati

	<p>velike i male sportove i rekreaciju) i stanje infrastrukture za kulturne i zabavne aktivnosti, za mlade, za društvene aktivnosti, da li su ovi vidovi infrastrukture imali svoje mjesto u tekućem razvojnom planu i u kojoj mjeri je ostvareno poboljšanje u tim oblastima, koji su faktori uspjeha i koja su ograničenja i razlozi za zaostajanje?</p>	<p>za osiguranje potrebnih sredstava i koordinaciju aktivnosti sa višim nivoima vlasti i da li ćete dati prioritet osiguranju potrebnih inicijalnih sredstava LZ za te projekte. Posebno je značajno pitanje suradnje za telekom kompanijama u osiguranju digitalne infrastrukture, s obzirom da jedino komercijalni kriteriji širenja mreže ne mogu biti prisutni u zadovoljavanju javnih potreba. Da li imate u tom smislu već dogovore o konkretnim projektima?</p>
	<p>Kakvo je stanje poduzetničke infrastrukture – industrijske zone, industrijski parkovi, tehnološki parkovi i inkubatori, stanje infrastrukture za logistiku poljoprivredne proizvodnje (otkupne stanice, hladnjače, apoteke i veterinarske stanice) i stanje snabdjevanja električnom energijom za poslovni sektor, kakvi su rezultati ostvareni, koji su faktori uspjeha, a koji su razlozi za zaostajanje poduzetničke infrastrukture kojom se ograničavaju mogućnosti lokalnog ekonomskog razvoja?</p>	<p>Potrebe unapređenja poduzetničke infrastrukture neprestano rastu, jer se podižu i kriteriji i zahtjevi investitora. Da li razumijete potrebe za tom infrastrukturom za naredni razvojni period i šta su novi zahtjevi od strane investitora, da li ste u stanju zadovoljiti te zahtjeve, da li ćete primjeniti sami inovativne modele gradnje te infrastrukture, na primjer, model javno-privatnog partnerstva i imate li procjene potrebnih ulaganja za te potrebe, kako ćete institucionalno upravljati procesom unapređenja poduzetničke infrastrukture, posebno imajući u vidu potrebe reindustrijalizacije i rast investicija u industriji?</p>
Smanjenje nejednakosti	<p>Koje mjere LED uključuje?</p>	<p>Koje vrste ekonomske i društvenih nejednakosti vidite u vašoj zajednici?</p>

	Da li LED uključuje informacije o oblicima nejednakostima u zajednici?	Da li trend nejednakosti raste ili se smanjuje? Zašto?
Održivi gradovi i zajednice	Koje mjere i projekte energetske i efikasnosti LED uključuje?	Kada bi vaša zajednica bila održiva, šta bi to podrazumijevalo?
Odgovorna proizvodnja i potrošnja	Da li neke od mjera u okviru LED imaju fokus na eko-efikasnost u proizvodnji roba i usluga (umanjenje ekološkog utjecaja i ograničenja korištenja resursa kroz korištenje novih tehnologija)	Da li postoji lokalni plan razvoja održive infrastrukture i prostornog planiranja (planiranje lokalnog transporta, energetska efikasnost objekata i korištenje energetski efikasnih goriva, opskrba vodom i odvod otpadnih voda, reciklaža) i/ili da li postoje slične mjere koje se provode
	Da li se u okviru LED mjera promovira (formalno ili neformalno) pristup čistoj proizvodnji u smislu korištenja tehnologija i upravljačkih pristupa (pristup 3R – reduce, reuse, recycle – smanji, ponovno koristi, recikliraj) i efikasnosti u korištenju resursa	Da li postoji i da li se implementira strategija ili aktivnosti održivog upravljanja otpadom (npr. kroz inkorporiranje 3R principa efikasnosti u upravljanju resursima ili politike „nula otpada“).
	Koje vrste instrumenata se koriste u cilju promoviranja i implementacije održive potrošnje i proizvodnje na lokalnom nivou (administrativne, ekonomske, informativne i sl.)	Da li se kod realizacije javnih nabavki roba i usluga primjenjuju principi održivosti i na koji način se to osigurava
Očuvanje klime	Koje mjere LED uključuje?	Kako se klimatske promjene odražavaju na vašu zajednicu?

		Koji su vaši prijedlozi kako bi se te promjene trebale adresirati?
Očuvanje vodnog svijeta	Koje mjere LED uključuje?	Koliko su čiste rijeke, jezera i voda u vašoj zajednici?
		Da li su vode zaštićene?
Očuvanje života na zemlji	Koje mjere LED uključuje?	Koliko je čista zemlja u vašoj zajednici?
		Gdje i kako se odlaže otpad?
		Reduce, Reuse, Recycle potrebe i prepreke u vašoj zajednici?
		Da li je stanovništvo ugroženo otpadom?
Mir, pravda i snažne institucije	Koje mjere LED uključuje?	Socijalne kohezija? Korištenje novih tehnologija? Digitalizacija? Razmišljanje o budućnosti?
		Kako biste ocijenili nivo saradnje između poslovnog i javnog sektora na lokalnom nivou kada je u pitanju lokalni razvoj?
Partnerstvom do ciljeva	Koliko su poslovni i civilni sektor uključeni u implementaciju LED mjera i u kojim oblastima?	Koliko je lokalna ekonomija uvezana za regionalnim i globalnim tokovima i akterima?
	Povezanost s regionalnim i globalnim institucijama, procesima i prilikama?	

Gradovi i opštine/općine u 1 fazi istraživanja:

- 1 Banja Luka
- 2 Bihać
- 3 Bijeljina
- 4 Brčko
- 5 Cazin
- 6 Grude
- 7 Kakanj
- 8 Konjic
- 9 Mostar
- 10 Prijedor
- 11 Stolac
- 12 Široki Brijeg
- 13 Trebinje
- 14 Tuzla
- 15 Višegrad
- 16 Zenica